

松氏
校點


新鍔汪石山醫按

五

漢書門			
一	二	五	四
九	二	一	
冊	架	函	號


內閣文庫			
三	二	五	四
函	冊	號	類

內閣文庫			
番號	漢	12541	
冊數	8 (5)		
函號	301	88	





石山居士醫按卷之五



揚梅瘡

肺癰

腳瘡

癰腫

疝氣



婦人調經

出部脉

妊娠

產後

小兒驚癇



石山醫按卷之五目錄

破傷風
小兒急驚風
慢驚風

石山居士醫按卷之五目錄 畢

石山居士醫按卷之五

新安汪 機省之

著

門生石聖陳楫惟宜較勘刊行

楊梅瘡

一人面色蒼黃削瘦年三十餘發遍身惡瘡因服
輕粉而脚拘攣手指節腫額上神庭之前腫如雞
卵大有方士令服孩兒骨其法取初生孩兒骨置
磚地上周炭火煨令孩骨成灰裹紙放地上太火
毒而為末空心酒或湯調服二三錢能補諸虛邀
予診視脉濡緩而弱予曰病已三年而毒已盡矣
然潰膿失血過多故筋失所養脚拘攣况手指節

間頭上額前衛榮運行於粼粼之處多滯而成腫也宜行經益血順氣消腫也已服孩骨又服輕粉皆其性燥烈丹溪曰血難成易虧且膿潰後失多少之陰血宜哉腫也壽亦損也問曰本州輕粉辛冷何謂燥烈予曰本注曰硃砂伏火者大毒殺人水銀乃煨成輕粉其性動走而不守氣味俱陽可知陽而燥矣故毒為甚入耳則蝕腦入肉則百節拘攣也然輕粉又水銀入皂礬再煨而成朱是為陽中之陽亦復資礬之燥烈非大毒燥烈何又問此瘡從何而生予曰肝屬風而急暴腎屬水而主液為相火所寄淫夫淫女用斷嗣擾動厥陰之火

泄腎水既無以制火之衝逆反以助相火經曰火自水中起是也故腎之液皆被火鬱成痰濁痰瘀血流注莖頭發為茲瘡久而毒熱不解復于兩腿厥陰經分生惡瘡其瘡狀似楊梅故俗名為楊梅瘡亦有如豌豆者其毒有微甚也旬日之間延及遍體者厥陰屬風而急暴又挾相火以為之助宜哉其發暴且速也始發之初猶體氣壯大便堅飲食進也乃防風通聖散最宜體氣弱大便不堅飲食減也乃四物湯加玄參連翹射干為宜大便稍泄除射干上體多者黃芩或防風為佐下體多者黃柏或牛膝為佐引以皂角之鋒銳和以甘州節

之甘緩而卻厚味斷房惟隨症出入之服則久而無不安或有惡湯藥者壯盛之人則以三神丸加大黃生地用猪膽汁丸服怯弱之人則以三神丸加玄參生地亦用猪膽汁丸服世人隨簡便欲求速効用輕粉却溼痰則三五日間瘡因乾暫愈然燥熱尚在不越一二旬瘡亦復作翻畏煎藥復却亦愈愈復發展轉不休特不知用一次却藥增一次燥熱也由是肢體或癰潰或攣曲遂成痼廢論語曰欲速則不達有旨哉又問何以能傳染也予曰其人內則有濕熱外則表虛腠疎或同廁而蒙穢氣或與牀而所蒸瘡氣乘虛而入故有傳染也

經曰邪之所湊其氣必虛是也又有同廁同牀而不傳染者益由內無溼熱外無表虛疎腠之患也又問已悞干藥則悔不可追也今將何爲用藥乎時正仲夏予用十全大補湯去桂附加紅花牛膝黃栢薏苡仁木香火麻仁羌活煎服百貼然而東坡四神丸加黃栢又少加蜀椒以能來水銀然後脚伸能行指腫亦消只額腫傳膏而愈

一人患瘡脚膝攣痛或人取蝦蟇治食如法食之攣痛遂愈按此乃偶中也

又一人患瘡脚痛而腫乃以馬鞭州煎湯令薰洗湯氣纔到便覺爽快也隨洗之而腫痛隨滅妙哉

此州或村墟陌上檻外空地多生其葉類菊春開細碎紫花秋復再花穗如馬鞭故名馬鞭州本州曰夏秋開細紫花云

又一人患天疱瘡通身筋骨疼痛有一道人問云形色憔悴何故也哉曰因患瘡遍身疼痛也道人遂示一方但不過數品也每貼人鉛五錢打扁同煎服之果驗查解輕粉毒最妙也凡患此瘡年久不愈者用焉莫解二三兩為君隨人之虛實加入他藥罔不有效查莫解善驅溼熱故也莫解仙遺根也

一一人年三十餘因患此瘡服輕粉而右肋下生瘡

塊右鳥睛時努出雀屎許間或消周身處處有瘡未痊一鑿用硝黃治之一鑿用攻擊之劑治瘡塊一醫用寒涼治眼丁然諸症不減反加腹痛腸鳴大便滑泄胸膈痞塞故飲食減噯氣吐沫身熱怠倦夜臥不安季冬請予其脉浮濡稍疾曰前係毒劑傷胃中之元快也乃用人參四錢黃芪二錢白朮三錢茯苓芍藥炒各一錢陳皮神麩升麻各七分甘州肉豆蔻各五分煎服五貼為泄痛即減去升麻又服五貼胸寬食進去荳蔻再服五貼諸症皆除月餘瘡塊亦消眼丁亦治

肺癰

一婦年近三十形色瘦白素咳嗽間一二聲又月
水前或後又夏月納涼嗽甚不能臥者月餘痰或
帶血帶膿嗽甚則吐食鑿用芩連二陳湯不効復
用參芪等補藥病益重予診脈左浮滑右稍弱而
滑幼傷手腕常不能伸故右脈常虛弱也竟以左
脈診之恐姪兼肺癰也遂瀉肺之劑進三服而能
臥不吐痰不咯膿惟時或惡阻予曰此姪之常病
也乃用薏苡仁白朮茯苓麥門冬黃芩阿膠煎服
病減月餘脈稍緩而浮曰熱已減矣但吐紅太多
未免傷胃乃用六君子加黃芩枳殼煎服調理姪
至六月食雞再作卻雞而愈至九月亦復作聲啞

腳瘡

一婦瘦長面紫每遇春末夏初兩腳生瘡膿泡根
紅難于行步經水不調邀予診脈濡弱稍疾兩尺
稍滑曰是血熱也鑿用燥劑居多故瘡不瘥用東
坡四神丹加黃栢蜜丸服之瘡不復作

癰腫

邑庠司訓余先生年幾六十長瘦色蒼赴福建考
試官還癰腫生背腿小者如錢大者如鍾陸續不

俗曰流注瘡是也醫皆欲用十宣散五香湯托裏散予爲診脈濡弱曰此非前藥所宜也夫以血氣既衰之年冒暑遠取瘴霧之地勞且傷形瘴熱傷氣矣經曰邪之所湊其氣必虛宜順流氣血而腫自愈矣乃用大補湯減桂倍加參芪歸朮佐以黃栢黃芩紅花服之至二三十貼視腫稍退也用秘太其膿膿未成者皆消釋仍服二三十貼以防後患

一人肥短色紫淡年逾三十因勞感溼兩腿膝間結核痛甚醫用蒜片灸又鍼大敦三陰交又以藥水洗之遂致陰囊腫脹如升莖皮腫如水泡乃

進人參敗毒散不適中病迎予乃如診脈左右俱濡緩而弱略缺曰此溼氣乘虛而入鬱而爲熱爲結核也理宜補中行溼然可免後患月餘左腿內臙厥陰經分如碗腫且痛惡寒發熱復用蒜灸六日後腫潰膿出而體倦頭面大汗手足麻木瘡下又腫如碗寒熱大作於是始信予言用人參三錢黃芪三錢白朮錢半歸身尾牛膝茯苓各一錢青皮黃栢各七分甘艸節五分煎服五六貼羊矢穴分腫痛長五寸許復作寒熱醫謂補塞太過欲改前方彼言汪君已前所製之方有見者也不必悞也吾銳意服之月餘腫皆膿潰成痂而愈但左腳

委中筋急短縮難行步彼疑爲蹇遣書來予曰膿血去多故筋失所養也藥力功成當愈也後果驗矣又覺陰囊腫絀他醫加茴香莫茶萸治疝等藥不效予適至彼令守前方吐避治疝等藥加升麻一錢服一二貼囊即縮矣乃語予曰先生神醫也乃詳告吾於病原也予曰經曰榮氣不順于肉理乃生癰腫氣餒行遲血少留滯則阻絕肉理乃作癰腫也久則鬱而爲熱化肉腐筋而成膿失補其氣血使氣壯而行健血盛而流通則何腫之有彼曰唯

疝氣

一兒八歲癰疝陰囊腫脹核有大小予令燒荔枝核灰茴香炒爲末等分食遠溫酒調服二錢不過三服愈

一兒六歲陰囊脹大如盞莖皮腫光如泡一醫溼行氣不效迎予診脈濡緩曰此氣虛也乃宜升陽補氣也遂以人參爲君黃芪白朮茯苓爲臣牛膝升麻陳皮爲佐甘州梢爲使煎服一二貼囊破腫消三貼全愈

一人年二十餘因水中久立過勞患疝痛疼痛甚腹中有磊塊起落如滾浪其痛如刺診之細弦而緩按之似瀉予曰此血疾也考之方書疝有七皆

不宜下所治多是宜溫散之以氣言也茲宜變法
治之乃用大承氣湯加桃仁下之其痛如失三日
復作比前加甚脈之輕則弦大重則散瀯思之莫
得其說曾食何物曰食雞蛋二枚而已日已得之
矣命以指探吐此令盡而頓痛止安

一 小兒陰囊腫脹核有大小痛以五倍子燒灰細粉
而食遠以白湯化下腫退痛頓治不再發

一 羅雲公乃郎年十五歲患疝痛用蕃蔥散四服頓
愈

一 羅山人年四旬因憂怫鬱致胸膈凝聚月餘流於
肋下漸下墜入陰囊不時作痛衆醫雖試諸方夏

罔效淹延經二年餘偶檢奇方聚香飲子得之細
末服一匕豁然快按所傷七情從氣治之數

一 江少微患狐疝自用八味地黃丸而痛止繼服打
老兒丸而稍愈時年五十餘此衰弱之軀正氣旺
而邪無所容矣

一 常州尹文輝嗜火酒能飲五觔五月間入閩中溪
水驟漲涉水至七里而腹痛甚矣半月後右丸腫
大漸如斗形閩中醫皆與肝經之劑及溫熱之品
半載無功歸而就商于余余曰嗜火酒則溼熱滿
中涉大水則溼寒外束今病有右正是脾肺之溼
下注畢丸仍用胃苓湯加梔子枳殼黃柏茴香棟

子十劑而略減即以爲丸服至十八劑全安不再發矣

一治一人患寒疝心痛甚四肢逆冷全不思飲食予用桂心木皮細杵旋爲散不拘時熱酒調下一二錢頓効

婦人調經

一婦瘦年二十餘經水紫色前或後臨行腹痛惡寒脉細濡近滑兩尺重按略洪而滑予曰血熱也非感寒之邪熱也此內熱而表榮露也遂用黃連酒煮四兩香附歸身尾各二兩五靈脂一兩爲末粥丸空腹用之愈

一婦身瘦面黃舊患白帶產後憂勞經水不止五十餘日間或帶下心下熱身半上麻身半下冷背心脹口鼻乾額角冷小便頻數大便澆而食不進且嘔吐素厭肉味日雖未診脉詳其所示多屬脾胃不足乃四君子湯加黃芩陳皮神麩歸身二貼紅止白減繼服十餘貼諸症悉除

一婦經行而瀉三日診其脉濡弱曰此脾虛也脾統血屬溼經水將行脾氣血先流注血海此脾氣血既虧則不能運行其溼故參苓白朮散每服以二錢米飲調下一日二三次而全愈

一婦其性躁產後經行不止或紅或白或淡紅白

病逾八月面色黃白頭眩脚軟醫用參芪等補藥益加用止澀藥無効邀予診之右脉濡弱左脉略洪而駛曰右脉濡弱者此右爲不病而左爲病乃治以生地黃白芍白朮各一錢黃芩阿膠歸身各八分陳皮香附川芎椿根皮茯苓各六分柴胡甘草各五分煎服二十餘貼而愈

一婦形長質脆面色黃白孀居十餘年平素食少內外俱勞年五十二歲二月忽血崩左手覺熱崩則熱甚鑿用苦寒益劇夏用膠艾湯少愈偶所碍予病住藥月餘後服前湯崩則日少夜多七月盡來於予許乞治右脉浮軟頗大左脉軟小而緩獨

左尺最近微弱予謂左脉主血此得脉證相應右脉主氣詳之得浮此乃脾胃氣不足也益脾胃具坤靜之德而胃有乾健之運虛則不能載物而健運矣所謂陽病治陰陰病治陽正其血氣各守其鄉此之謂歟今氣不能健運以致血崩當治陽也世鑿昧此而反治陰何止千里之差乎經曰苦傷氣寒傷血安能治其崩哉益脾胃屬土惡溼喜溫畏寒乃甘溫以養其脾則熱自除氣自運而血從氣各歸其經耳東垣曰溫能除大熱經曰形不足者溫之以氣又曰氣生形又曰氣固形實形主血又曰陽氣者精則養神柔則養筋故古人治血多用

注石山醫案卷之五
養氣豈無所本哉血逢寒則止但以標耳經曰胃者五藏之本苟本不固而未固者未之有也況於所病或勞或怒或惡食而崩愈甚矣此益由脾胃不足不勝其勞怒也乃用參芪各四錢歸朮各一錢甘艸厚朴各五分炒蒲黃阿膠各七分煎服十餘貼然崩猶晝止夜來矣夫夜則陰旺陽衰陽不足以攝故也再以櫻櫚皮五倍子蓮房燒灰加阿膠蒲黃粥丸臨晚服而夜分之崩亦止但清水常流大便結燥小便日無夜有又用潤麻丸加木通車前空心服之然腰與小腹及腳腿皆痛胸膈不寬予適出月餘歸診脉沈細而數予曰數脉所主

爲熱其症爲虛然脉與向日不同而症反多覺虛也固久服前藥故藏府習熟乎藥劑病氣倡而不和故暫止藥而乘輜歸家登山度嶺應接人事而勞又勞越三日而大血崩計一桶許昏憒而氣息奄奄良久甦是夜又崩二三碗許仍復昏憒予往視之脉仍沈細而數予曰五十以後血氣大脫實難求生唯不忍坐視其斃乃用大劑參芪各七錢歸地薑附各一錢甘艸五分煎服二三貼脉數略減頭痛昏亂腰腳腿痛亦愈曰則胸膈似煩至夜亦愈但小腹時覺微痛清水常流不絕經曰衝脉者經脉之海主滲谿谷與陽明合于宗筋會于氣

注在...
街而陽明爲之長皆屬于帶脉故陽明虛則衝脉失養不能滲灌氣化爲水而下流矣待其胃氣稍完則清者運而爲津液濁者滲而爲小便而水或可止也經曰壯者氣行則愈是矣若遇嚴寒又覺小腹腰腳腿痛者亦由陽虛不能禦其寒故也天氣稍和又不覺矣予曰病須少愈然血氣虛脫來歲春至恐無資生發之氣也到春果洞泄而斃

一婦逾四十形長而脆經水不調右脉浮軟而大左脉虛軟而小近駛月經前今歲四月感風咳嗽洗浴汗多行經終一月也六月復洗浴發瘧六七次止然猶神思不爽至八月盡而經水多下白帶

兼漏且泄瀉復覺右腳疼痛舊閉挫腳跟故併其痛臀腿腰脇尾骨頸項右邊筋掣痛或咳嗽一聲則腰腿應痛如破裂叫號切苦日輕夜重時痛稍止則飲食如故按經水過多白帶間下日輕夜重泄瀉無時是乃損陰宜作血虛而治然服四物止痛之劑益甚比九月診視始悟此仲景所謂陽生則陰長之謂也夫經水綿綿兼白帶皆由陽虛陷下而致然者也日輕夜重益日則陽旺而得健運夜則陰長而復凝滯故以參朮助陽之藥煎服五七貼痛減此亦治病之變法也

一婦年二十一歲六月經行腹痛如刮難忍脉得

細軟而駛尺則沈弱而近駛予曰細軟屬溼數則為熱尺沈屬鬱此溼熱鬱滯也以酒煮黃連半斤炒香附六兩五靈脂半炒半生三兩歸身尾二兩為末粥丸空心湯下三四錢至五六料經九年得一子又越四年經行兩月不斷腹中微痛又服前丸而愈繼而經行六七日而止然猶流清水腹中微痛又服前丸而痛亦止又經住積七八日復至經行時則動大行五六日次則適來適斷或微紅或淡紅後則流清水或小腹大痛連遍身胸背腰腿骨裡皆痛自巳至酉乃止痛則遍身冷熱汗大出而後汗止痛減然能飲食自始而痛至十五年

前藥屢服屢效今因効者何也予在休寧率口其母伴女乘輪至彼就醫矣今脉皆洪滑無力也幸稍有精神耳更非舊日所處之病氣矣舊乃鬱熱而今則虛寒東垣曰始為熱中終為寒中是也經曰脉至而按之不鼓乃陰盛格陽當作寒治且始病時而形斂小今則形肥大醫書曰瘦人血熱肥人氣虛豈可同一治耶其痛日重夜輕知由陽虛而不能健運故凝滯而作痛宜以助陽若得脉靜痛輕則為佳兆遂投參芪歸朮大劑加桂附一貼翌晨再診脉稍謐矣又服至二三十貼自二月至五月予適往城視之病乃愈矣益病有始終實熱

注補山醫抄卷之五
之異藥有前後用舍之不同形有少壯肥瘦不同
豈可一方而通治哉後乳有隱核數枚然不告于
予謀之外科歸咎於多服參芪殊不知肥人氣虛
多滯若能久服前藥當不乳無生隱核亦壯健也
血氣未充而氣滯血凝而成此核經曰壯者氣行
則愈是矣予引書雖以喻之祇恐一齊傳衆楚咻
莫能回其惑也

一婦形質瘦小面色近紫產後年餘經水不通首
夏忽嘔吐手指麻痺攣拳不能伸展音啞幽噦不
出聲鑿皆視爲風病怪焉予診脈細微近滑曰此
妊娠惡阻也衆謂經水不通安有妊娠予謂天下

之事有常有變此乃事之變也脈雖細微似近于
滑又尺按不絕乃妊娠也遂以四君子加二陳治
之諸症乃減尚嫌粥湯惟食乾糕香燥之物而有
生意

出部脈

一婦年逾四十形色頗實常患產難倒生經水不
調或時遍身骨節疼痛食少倦怠自汗予爲診之
兩手脈皆不應惟右關輕按隱隱然微覺動也疑
脈出部以指尋按經渠列缺穴分乃不應余甚怪
之乃叩其夫曰有孕矣時鑿診亦言無脈後服八
物湯幸爾易產而得一子予曰此由稟賦本來脈

不應也無足怪焉可見天下至變無窮也果難一
一以常理測也如脉經所謂者但道其常而已兩
手無脉不傷其生亦不妨于胎妊脉經豈所能盡
論變耶脉或兩手出部或一手出部者予亦見多
矣兩手實無脉而人自若者此理之所無也必於
腹部任脉可見之然如此事之大變也故筆之云
一婦有病請予診之右脉緩濡而弱左手無脉再
尋之動于腕臂外廉陽谿偏歷之分乃語之曰左
脉離其部位其病難以脉知以右脉言之似屬于
脾胃不足也婦曰經水每遇未行前咯血數口而
心嘈不安食少而懶倦予以四君子湯加山梔陳

皮麥門冬牡丹皮煎服數貼而安

予常考孫兆診一釋氏左脉出部動于臂上醫
書不載脉行常道豈有移易或少年跌撲而震
動心神故脉脫年既長血氣已定不能復移也
僧曰果如所言予詢此婦曰未嘗爲驚而脉如
是也知由于稟賦也後在歙之江村診兩手脉
俱出部者數人或左或右脉出部者兩手脉出
部者此變化無窮陰陽不測也豈由于驚與撲
哉

妊娠

一婦懷妊八箇月而病腰痛不能轉側大便燥結

而利而痛乃止予爲診之脈稍洪近駛曰血熱胃滯也乃用四物加木香枳殼煎服四五貼痛稍減燥結潤復發熱面赤或時惡寒仍用前方加柴胡黃芩服二貼而寒熱除又背心覺寒而腰痛復作予曰燥結已利矣于前方加入參一錢服之獲安

一婦患橫生逆產已七八胎矣皆不育予診脈細濡頰弦曰此氣血兩虛兼熱也或曰氣血有餘方成妊娠氣血既虧損安能胎耶予曰觀其形長瘦而脈細濡屬于氣血兩虛色青脈弦肝火時熾也兩尺浮滑似血虛爲輕而氣虛爲重也以補陰丸除陳皮倍加香附參芪蜜丸服之常令接續踰年

臨產果順而生育一子

產後

一婦產後滑泄一溢米弗能容泄下如此半月餘矣衆皆危之或用五苓散平胃散病益甚邀予診之脈濡緩而弱曰此產中勞力以傷其胃也若用湯藥愈傷胃也以參苓白朮散除砂仁加陳皮肉豆蔻煎薑棗湯調服旬餘而安

一婦產後時昏瞶身熱多汗眩暈引渴或頭痛惡心鑿用四物湯涼血之劑不驗復用小柴胡益甚予爲診之脈浮洪搏指予謂產後得是脈也發汗而脈尚不靜爲不治幸氣未喘不作泄但爲涼藥

所激也試用入參三錢黃芪三錢甘州當歸各七分白朮門冬各一錢乾薑陳皮黃芩各五分煎服五貼而病漸安

一產婦略聞音響其汗如水而昏憤諸藥到口卽嘔余以爲脾氣虛敗也用六君子湯罔效用參附末爲細丸時含三五粒隨液嚥下每每至數次卻又與參附大劑煎湯而痊

一產後生腸脫出不收元氣虛乏或眩暈診脈虛細無力予以爲此因氣血大虛然但養氣調和血則腸自可收先用入參膏數匙次用十全大補湯增參耆復用補中益氣湯太陳皮柴胡加川芎升

提之用熱手心常敷腰肚氣暖而又以蓖麻子十四五枚去皮研末膏塗頂心卽腸收復舊

一產婦血崩因怒其血下如湧元氣虛脫口噤手足搐搦時迎余診脈細數無力重按似無予曰此肝經血脫不能榮筋脈生風矣殊又因元陽脫虛然先用獨參湯連進至數貼回元陽是陽衰陰生之證也間用十全大補湯六味丸諸症退但食少哺熱佐用四君子湯加柴胡牡丹皮未食進加砂仁白豆蔻漸得効

小兒驚癇

一女年六歲病左手不能舉動二年矣後又病癇

初用人參半夏或効或不予診左脉浮洪右脉頗和曰痰熱也今以昂勒肚取茶子太壳三錢按研以滾湯一碗濾取汁隔宿勿食早晨溫服吐痰如大蒜瓣者三碗許手能舉動癩亦不作予孫應達初生未滿一月乳媪抱之懷間往觀春之遊戲時猶沍寒甚及歸來乃啼不乳時驚搐乃用蘇合香繼用鎮驚藥不効衆危之予曰小兒初生血氣未足風寒易襲此必風邪乘虛而入也風喜傷脾脾主四肢脾受風擾故搐搦日夜啼哭不乳春秋傳曰風淫末疾是也其治在脾脾吐不實則風邪無客留矣因煎獨參湯初灌二三匙啼聲

稍緩再灌三五匙驚搐稍定再灌半酒盃則吮乳漸有生意矣

一治一兒年五歲忽卒倒不知人事口噤不言目直視口中流涎沫面色青或白手足強直衆醫以癩治之罔効予云非癩此乃蟲痛也虻蟲攻其心必口噤吐沫直視類癩矣用五疳保童圓及雄黃解毒丸苦棟根皮煎湯化下頓愈後灸治全愈

破傷風

一婦人年踰四十形黑而瘠性躁急康熙己酉中夏左腿發內癰遂潰後起坐不安不思飲食元氣虛乏予教曰瘡口未合則當禁風其婦不信安令

浴湯忽眩臥目劓口眼喎斜角弓反張手足攣曲
舉家惶懼邀予千里余云此破傷風也乃用桂枝
湯加熟附子黃芪防風二三貼而病減半再服十
全大補湯全愈

小兒急驚風

一巖泉之令愛年六歲患潮熱用發表之劑忽作
搐搦痰涎上壅手足指冷申酉時左腮青色隱自
一鑿用抑肝湯加鈞藤反增劇垂死時迎予余云
此調補脾肺滋養肝腎可得效用補中益氣湯及
六味丸頓愈間與牛黃鎮驚丸
一克用之治一幼年四歲患驚風發搐痰壅甚一鑿

用白餅子下之不退凡三下病愈增劇合目昏睡
以鍼遂不啼不乳喉中氣喘不寧大便時下仍迎
予診脈沈細弱似無余曰此五藏氣絕不可治轉
下之過也彼鑿曰白餅子錢氏家方降痰神方也
予曰盡信書不如無書錢氏小兒多出於門人附
會之事也益人之有痰猶木之有津時令大熱州
木流津痰自熱生此明驗也痰猶水也附氣自行
過額在山豈水之性哉乃搏激使之也今痰上升
不知降火而反下之損其胃氣胃氣稍攻擊五藏
自損故目不敢開此肝絕也昏睡不乳者脾絕也
啼聲不出者心絕也喘促痰響者肺絕也便溺遺

失者腎絕也果不治而卒

慢驚風

一嬰兒稟賦虛怯一日因傷食瀉二十四五行或作乾嘔一醫用人參白朮散加白芍瀉未止口内生蒼色如紅里醫技窮前藥性溫助火然改復以峻冷治之反而作變困睡露睛迫危舉家驚懼招予千里診之曰此素脾胃大虛也醫誤投冷劑中氣益損傷然夫困睡者中州之大虛也用六君子湯加附子次用醒脾散間灸尺澤印堂七壯全愈

不寐

一樗散生治令愛之一女年七歲患心悸常若有人

捕之欲避而無所其母抱之于懷數婢護之於外猶恐恐然不能安寐鑿以爲此患有心用安神丸鎮心丸四物湯不效予診之脈細弱而緩曰此膽病也用溫膽湯服之而安眠

一童子患瘡潰後飲食減少四肢倦怠每夜不寐先用四君子湯加茯神遠志酸棗當歸陳皮煎服飲食頓進熟睡而安

一人患傷寒後腠肺虛四肢倦怠或微咳或惡寒大便瀉口乾或驚悸自汗甚夜曾不睡余用人參養榮湯煎溫服得速效

石山居士醫按卷之五終

